

十八年

錫褒問書

皇帝書致

正一嗣教致仕大真人張玄慶

朕惟玄風丕振三極建於春臺化雨均霑八荒躋於壽域派
延仙譜慶衍皇圖業惟精於淨修功斯顯於贊翊惟爾丰標
散逸氣質純誠傳祖宗百世之休揚天地萬年之譽方其分
符受命也既嘗盡職於委身及其解組還山也輒乃歸真於
遁跡一塵不染瑩三尺之冰壺萬慮咸消澄九霄之霽月超
凡入聖伏虎降龍泉石養高琴樽適興願冲虛之妙道實利

道藏輯要

漢天師世家

書

翼集七

濟之真光矧茲繞膝爛爛嘉袍笏之有託滿前花木幸榮辱
之無干佇想清容益懷遠况致言重複注意勤虔惟其亮之
廣運

弘治十八年二月二十二日

之寶

諭禁止偽造符籙勅

皇帝勅諭正一嗣教致仕大真人張玄慶邇年以來各處符籙
恣意妄傳近已命禮部行文一體禁約務要遵照洪武永樂
年間事例悉從嗣教大真人門下請給爾惟鑒察朕意亦要
拘禁家下人等謹守法旨毋得偽造褻慢庶幾清規不紊妙